



**UNIT KOMUNIKASI KORPORAT JABATAN
PERIKANAN MALAYSIA
BERITA PERIKANAN HARI INI**

**22 November 2024
20 Jumadilawal 1446H**

Utusan Malaysia	•
Berita Harian	•
Harian Metro	• Musim tengkujuh remis pun datang!
Kosmo !	• Penyu agar sesat naik atas tar
Sinar Harian [Online]	• Hari Perikanan Sedunia
The Star	•
New Straits Time	•
Nanyang Siang Pau	•
Malaysia Gazette	•
Wilayahku [Online]	•
Malaysiakini	•
Bernama	•
Borneo Post (KK)	•
Guan Ming Daily	•
Sabah Media	•

JENIS AKHBAR

UTUSAN MALAYSIA		KOSMO!	/	THE STAR		NANYANG SIANG PAU		MUKA SURAT	TARIKH
BERITA HARIAN		SINAR HARIAN		THE SUN		ORIENTAL DAILY			
HARIAN METRO		NEW STRAITS TIMES		THE MALAY MAIL		PELBAGAI			
KATEGORI LIPUTAN: POSITIF			NEGATIF		NEUTRAL	/		16	22-11-2024

Penyu agar sesat naik atas tar

DUNGUN – Kelibat seekor penyu agar dewasa yang tersesat sehingga ke atas jalan raya menggemparkan pengunjung Pantai Teluk Lipat di sini kelmarin.


Dalam kejadian pada pukul 10 malam tersebut, penyu betina terbabit dipercayai tersesat sewaktu mendarat di pantai peranginan terbabit.

Salah seorang pengunjung, Ahmad Zairil Zainuddin, 29, berkata, dia yang sedang bersiar-siar di pesisir pantai itu terkejut melihat seekor penyu merangkak menghala ke jalan raya.

“Kami segera mengerumuni penyu itu untuk membantunya kembali menghala ke laut.

“Walaupun jarak dengan pesisir pantai tidak jauh cuma kira-kira 200 meter, ini kali pertama saya melihat seekor penyu boleh tersesat sehingga memasuki jalan besar,” katanya di sini semalam.

Tambahnya, mereka tidak berani untuk mengangkat penyu itu kerana saiznya yang besar dan



TANGKAP layar klip video memaparkan seekor penyu Agar tersesat memasuki jalan raya di Pantai Teluk Lipat, Dungun semalam.

bimbang boleh menyakiti haiwan reptilia berkenaan.

“Kami cuba menepuk cenderangnya sambil menunjukkan arah sebenar ke laut.

“Penyu agar itu kemudiannya merangkak perlahan-lahan sebelum kembali ke gigi pantai dan berenang semula ke laut,” katanya.

JENIS AKHBAR						MUKA SURAT	TARIKH
UTUSAN MALAYSIA	KOSMO!		THE STAR		NANYANG SIANG PAU		
BERITA HARIAN	SINAR HARIAN		THE SUN		ORIENTAL DAILY		
HARIAN METRO	NEW STRAITS TIMES		THE MALAY MAIL		PELBAGAI		
KATEGORI LIPUTAN: POSITIF		/	NEGATIF		NEUTRAL		11
							22-11-2024

WAN Hafiza menggunakan pengais untuk mencari remis di pesisir pantai.



WAN Hafiza menunjukkan remis yang dikutip di Pantai Pachakan.

PANTAI TOK BALI JADI TUMPUAN RAMAI

Musim tengkujuh remis pun datang!

AMM/MSN

Bernama
Pasir Putih

Pantai Tok Bali di sini, menjadi tumpuan orang ramai yang melakukan aktiviti mencari remis selepas spesies hidupan laut bercangkerang itu muncul di pesisir pantai berkenaan sejak beberapa minggu lalu.

Rata-rata pencari remis memberitahu mereka mampu mengutip hingga 15 kilogram (kg) dalam tempoh beberapa jam pencarian, dengan harga jualan kira-kira RM15 sekilogram.

Seorang pencari remis, Wan Hafiza Wan Hassan, 45, yang menetap di Kuala Besut, Terengganu memberitahu dia mula menjalankan aktiviti itu sejak beberapa hari lalu bersama dua anaknya.

"Setiap tahun apabila tibanya musim tengkujuh, banyak remis berkumpul di tepi pantai. Jadi, biasanya pada musim inilah kami turun ke pantai mencari remis apabila tidak bekerja.

"Ada kalanya kami dapat mengutip hingga zokg, dan biasanya saya bahagi-bahagikan kepada sanak saudara untuk sama-sama menikmati hasil laut ini manakala selebihnya kami jual," katanya di Pantai Pachakan yang terletak di Pantai Tok Bali baru-baru ini.

Wan Hafiza yang bekerja sebagai pemandu lori memberitahu pelbagai kaedah boleh digunakan untuk mendapatkan remis termasuk menggunakan tudung saji, raga ataupun sejenis alat yang dikenali sebagai

milih remis dewasa untuk dibawa pulang," katanya yang melakukan aktiviti itu sebagai hobi sampingan.

Sementara itu, seorang ibu tunggal Munah Daud, 62, yang menetap di Kampung Pachakan memberitahu aktiviti mencari remis menjadi sumber pendapatan pada musim tengkujuh kerana moluska dwicengkerang itu mendapat permintaan menggalakkan pada musim itu.

"Biasanya setiap petang, saya dapat kira-kira lima kilogram. Jadi, hasil jualan remis ini dapatlah tampung untuk beli keperluan pada musim tengkujuh," katanya.




pengais. "Saya lebih suka guna pengais kerana cepat dan mudah. Lagipun jumlah remis yang diperolehi lebih banyak.

"Bagaimanapun, saya perlu pilih remis yang dikais kerana saya akan lepaskan semula remis bersaiz kecil ke laut dan hanya me-

"Biasanya saya bahagi-bahagikan kepada sanak-saudara untuk sama-sama menikmati hasil laut ini manakala selebihnya kami jual"

Wan Hafiza Wan Hassan

Hari Perikanan Sedunia



HARI Perikanan Sedunia (HPS) disambut setiap 21 November untuk mengiktiraf sumbangan semua pihak dalam industri perikanan serta kepentingan pemeliharaan ekosistem marin.

Hari Perikanan menyoroti cabaran seperti penangkapan ikan berlebihan, kemerosotan habitat, pencemaran dan kesan perubahan iklim.

HPS juga menekankan keperluan kaedah penangkapan ikan mampan dan pengurusan sumber marin yang bertanggungjawab untuk memelihara ekosistem akuatik dan melindungi sektor perikanan.

Kelihatan pengunjung memerhatikan pelbagai spesies ikan yang dipamerkan di Akuarium Tunku Abdul Rahman, Batu Maung di sini.